

Mit't en Baba Ar Ac'ren Kor awak' Golpo

Mit' hor.e tahe~kana. Uni hor. do a.d.i haron talate ac'ren kor.a gidra.i hara burukedete par.hao ocokedea. Ado umerte lahayena metak'me har.amena. Mit'din racare ac'ren kor.a sa~oe dur.up' pante akan tahe~kana. Ina. okterege mit't.en Ka.hu~ do oka nakha khon hec'kate or.ak' sa.r.im cetanre dur.up'ena. Ado uni har.am hor. do ac'ren kor.ae kulikedeade, E bet.a, sa.r.im cetanre do celeye dur.up'ena? Khan uni kor.atae doe mengot'keda, E ba, nui do mit't.en Ka.hu~ kanae. Thor.a gha.r.ic' tayom arho~e kulikedeade, E bet.a, cele kanae nui do? Onkage metadeade, Ka.hu~ kanae. Arho~ onkage mit' gha.r.i tayome kulikedeade, cele kanae? Nia. dhao uni kor.a thor.ae ran'gaoente ha.nd.ra.uate ror. rua.r.adeade, ina. mit' katha tina.k' dhaoi'n' laiama? Nui do mit't.en hende Ka.hu~ kanae. Arho~ onkage mit' gha.r.i tayome kulikedeade, bet.a cele kanae nui do? Khan ac'ren kor.a do ac' babawak' katha ar bae sahao dar.eat'te mengot'keda, cedak' ado ina. mit' kathage ghane ghanem kuliedin'a? Ente hajar dhaoi'n' la.iat'meade, nui do mit't.en Ka.hu~ kanae mente. Enho~ nase ho~ bam bujha.ueda? Ado ran'gaote hana nahwa ror. idikeda.

Ina.kate uni har.am do ac'ak' or.ak'e boloyente mit't.en mare d.airi od.ok a.gukeda. Ar ona d.airi reak' mit't.en sakame ot.ak'keda ar kor.ataeye emadeade. Adoe metadeade, E bet.a, mase nond.e khon thor.a par.haome cet' ol menak'a? Khange uni kor.a do par.haoe ehop'ena, ond.e do nonka ol akana, tehen' in'ren gidra. racare dur.up' akan tahe~kana, in'ho~ uni sa~oten' dur.up' akan tahe~kana. Ina. okterege mit't.en Ka.hu~ do hec'kate or.ak' sa.r.imre dur.up'ena. Unre in'ren gidra. bargel mo~r.e~ (25) dhaoe kulikedeade, E ba, sa.r.im cetanre do cele dur.up' akana? Unre in' do 25 dhaoe ona reak' ror. rua.r.in' emakadeade. Uni do mit't.en Ka.hu~ kanae bet.a. Ona okte ina. mit' katha ghane ghane la.iaere a.d.i ra.ska.n' at.kar akada.

Ado uni har.am do ac'ren kor.ae metadeade, E bet.a, ma n'elme noa kangea gidra. ar baba talare begartet' do. Tinre hud.in'em tahe~kana unre 25 dhaoem kulikeden'a ar 25 dhaoe ona reak'in' ror. rua.r. akat'meade.

Enho~ ban'gen' a.r.is akana, boron' onaten' ra.ska.lena. Menkhan
tehen' ina. mit' kathage eken mo~r.e~ dhaoi' kuliket'mete bam sahao
dar.eada boron' nasetegem ran'gaogot'ena. Man n'elme noa kangea gidra.
ar baba talare asol begar do.